

Durk fan Penjum ta in oantinken

yn 't perk do breed yn 't blauwyt achtery
keningen by de kwea beselskipjend
& ien each stiif taknypt
foar better sicht

wêrom wol ik witte oft dat de bedelte
wie fan húns it op 'e romte yn jellum-bears
of ûnder de flagge op it swartgiele fjild fan arum

op 'e seis op 'e dea
in keatser yn 'e krânsen sil net belies jaan
tsjin de ferjitnis as 't safier is

dyn horloazjes artefakten achter glês
steane stil mar blinke
de ien net goudener as de oare
al dy bewizen fan ear
it wie gau dien
wy keatse net mear

foar bêst naam ik in oanrin tocht hy sil om 'e bliksem sitte
akselerearre sette ôf & kaam lós fan 'e grûn
& de bespuide bal ferliet myn hân stuts mei gong
yn in kurve oer it nimmenslân
deldonderjend dêr't er woe
tuskenyn
koest 'm net rikke

(Earder publisearre yn *Farskskrift 08*, tema 'Sport', 2004.)

soe ik yn 'e kriich fan in fers as dit
no't ik nochris oan 'e stuit stean
op sokken te roppen fan wat soesto
dy sa'n bal de weareld út slaan litte

lêstlyn in stekker
gliest út achtery
it wie dyn tiid net om wei

wat my heucht is it perk
sinneskyn
flagge
simmerwyn –

Abe de Vries



Durk de Haan.
(Foto: Keatsferiening "Jan Reitsma" te Penjum)